

Landesbibliothek Oldenburg

Digitalisierung von Drucken

**Dissertatio Inavgvralis Medica De Stvpro Violento Et
Cavsis, Cvr Hoc Svb Certis Modo Conditionibvs Fieri,
Graviditas Vero Nvnqvam Exinde Oriri Possit**

Fürbringer, Johann Gottfried Carl

Ienae, [1798?]

VD18 12167878

Vorwort

urn:nbn:de:gbv:45:1-8884

PROOEMIUM.

Jamjam vetustissimis temporibus legislatoribus et iudicibus varia medicorum decreta et dogmata ad lites quasdam bene dijudicandas et decidendas scitu necessaria fuisse visa, probant varii loci in legibus Mosaicis *) de signis virginitatis et leprae ut morbi dissimulati, et in Justiniani Institutionibus de tempore partus recte definiendo ad ejus suppositionem praecavendam, aliique, potissimum vero demum Constitutione criminali Carolina anno 1532 promulgata decretum est, ut de vulnerum lethaliitate, aborticidio, infanticidio, homicidio, graviditate celata etc. ad causas magis in luce collocandas, rectius dijudicandas et legitime decidendas, medicorum sententiae in consilium et auxilium sint vocandae. Hinc campus medicinae novum accepit incrementum, hinc Medicina forensis suam duxit originem, quae judici scitu necessarias rerum medicarum et physicarum suppeditat explicationes et ad justitiam in rebus controversis accurate administrandam praebet principia. Utilitas Medicinae forensis eo evidentius elucet, quo plures et frequentiores occurrunt casus, in quibus sententiam dicere est medicorum, et hinc factum est, ut haec scientia inde ab ejus origine a gravibus scriptoribus in systema redacta, in singulis partibus illustrata, et observationibus sit locupletata. *Zacchias, Loew, de Haller, Brendel, Kannegieser, Ludwig, Plenck, Schwabe, Müller, Sikora,*

*) Vid. Michaelis *Mosaisches Recht*, II, Tom. p. 92. 133.



I
illato
meum
missa,
tatem
A
id scili
meo in
mersis
teria I
extendi
elegant

kora, Metzger et alii; in suis operibus omnes fere Medicinae forensis partes, singulas vero ejus partes Bohn, Blegny, Devaux, Boehmer, Gmelin, Plenik, Hahnemann, Plouquet, Loder, Mayer, Schultz, Walter, Morgagni, Jaeger, Merker, Camper et plures alii pertractarunt. Et ego etiam in materia ad Medicinam forensis pertinente, quae agit de stupro violento, elaboranda periculum feci, materia, quam in autorum operibus partim plane omissam, partim non satis explicatam vidi, quamquam experientia quotidiana doceat, stuprum violentum in judiciis non raro praetextum esse, ad prostitutionem, ex illicito concubinato ortam, diminuendam et excusandam. Quamdiu igitur stupri violenti et graviditatis exinde natae possibilitas a Ictis omnino conceditur, tamdiu quoque dissertatio inutilis esse nequit, quae ejus impossibilitatem in plurimis casibus demonstrat, graviditatem vero exinde oriri posse, ex argumentis negat. Tantum vero abest, ut credam, hanc tractationem esse ita comparatam, ut nihil possit desiderari, ut potius lubens concedam, me non ex omni parte lectoribus benevolis satisfecisse, eosque rogo, ut viribus juvenilibus in hoc scripto, quantum fieri licet, indulgere et errores, forsitan commisos, benevole humaniterque condonare velint.

INTRO-



INTRODVCTIO.

In doctrina de stupro violento bene ac rite pertractanda quatuor praecipue occurrunt momenta et quaestiones, in quarum indagazione et responsione nostra jam versabitur opera.

Est enim inquirendum,

1. *quid sit stuprum violentum et quomodo dividatur?*
2. *an et quatenus sit possibile?*
3. *quaenam sint signa stupri violenti patra-
ti et denique*
4. *num graviditas exinde possit oriri?*

His igitur praemissis rem aggrediamur ipsam.

SECTIO I.

De stupri violenti notione et divisione.

§. 1.

Consummatio coitus est ipsa penis in vaginam mulie-
brem immissio et geniturae virilis in eam ejaculatio, ista

A

ve-

